

shoshoya ando hev. Thovdyas les ando shoshoya.

– Ha choka! – phenla – E shoshoya te oven upral!

Gelo, pala choka. O thagar:

– Tu – phenla – ulyan pash e shoshoya!

– Brey! Kay te garaav man?

– Isi tu panda kay?

– Isi man.

Zhala pash o machho. Chhite les ando mori. Hulyaela les chak talal ko danos ando mori. E machhe saure irisaille te len peske vwzduhos. Ekh machho ando more, akala upre. Rodindyas, rodindyas, rodindyas. Nashti te arakhel les.

– Ach dikhav – phela – ando more!

Vazdel o glwdalos, dikhla – tele si. Phela:

– Ey kate si! – phela – Ko danos!

Inkisto, gelo.

– A be, thagara! Arakhlyan li ma?

– E-e-e! Nay te arakhav tu, a? Chak ando danos, ando mori dikhlyam tu.

– Ey! Arakhlyas ma!

– Panda isi tu?

– Isi ma.

Lel pes, gelo pash ko orlyos. Thardyas o por. Ov alo. Akana vazdinde les ando sinyo del. Na dikhyola hich.

Ha kate rodindyas, ha kote rodindyas.

– Brey! Nanay! Ach dikhas pala upre!

Vazdela upre o gledalos. Dikhla les upre, ikerna les e orles. Hulyavde les. Gelo.

– A be, thagara? Arakhlyan li man?

– E! Arakhyom tu ami!

– Kate?

– Ey! Ando dool sienas! – phela.

– Brey!

– Panda isi li tut?

– E, isi man akana panda ekh basi.

Gelo pash i lesitsa. Thardyas ekh bal.

– So si, mo?

– Mi, keyal – phenla – o thagar. Arakhlyas ma! Tryabva te garaes man. Inak – phenla – ka mudarel man!

– E, zha! Phen leske tasya te rodel tut!